

REFERAT IIIA - Isumaginninnermut Inunnullu Innarluutilinnut Ataatsimiititaq d. 04-02-2025

Mødedato Tirsdag d. 04. februar 2025 kl. 17:00

Mødested Kommunalbestyrelsep ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Utoqqarnik suliassa qarfimmi killiffik, januaari-decembari 2024.....	6
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	8
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	11
Kajumissuseq tunngavigalugu isumaginninnermi sulinermut tapiissutinik agguanerup killiffia.....	16
Inuit innarluutillit pillugit Siunnersuisooqatigiit ataatsimiittarnerannik ataavartumik ilisimatitsinerit	19
Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq.....	22
Nuummi utoqqarnut pisinnaanerusunut inissialiornissaq pillugu siunnersuummut malinnafiginninr	25
2024-mi kvartaalit sisamaanni kiisalu 2024 tamakkerlugu pissaanermik atuisimaneq pillugu naluna	28
Paamiuni Majoriamut Pilersitsivimmullu inuussutissarsiorneq siunertaralugu attartornermut isumaq	33
Utoqqaat Illuanni oqilisaanneqarluni inissat paaqqutarinnilluni inissanut allanngortiterineq.....	36
Inuit innarluutillit pillugit immikkoortumut pilersaarutip killiffia (2024).....	39
Utoqqaat angerlarsimaffimmini najugaqartunut atortussianik oqilisaataasunik (velfærdteknologini	43
Majoriaq angusaqarnissamut isumaqatigiissut 2025-27.....	46
2025 - 2029-mi Suliffeqarneq pillugu immikkoortumut pilersaarutip akuersissutigineqarnera.....	49
Taasariaqartut allat.....	52
Imaqarniliap akuerineqarnera.....	53

Punkt .: Saqqaa

Ilaasortat:

Inge Olsvig Brandt (IA), siulittaasoq
Lone Rosengreen Pedersen (IA), siulittaasup tullia
Poul Petersen (D)
Mala Høy-Kúko (S)
Dorthe-Marie Mogensen-Fontain (S)

Beslutning

Ataatsimeeqataasut:

Inge Olsvig Brandt (IA)
Lone Rosengreen Pedersen (IA)

Attaveqaatitigut peqataavoq:

Dorthe-Marie Mogensen-Fontain (S)

Ataatsimeeqataasinnaanatik nalunaartut:

Poul Petersen (D)
Mala Høy-Kúko (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Pisortamiit nalunaarutit:

Suliffeqarneq aamma Inunnik Isumaginninnermik Kiffartuussivik

Pilersitsivik Paamiut januaarip ulluisa 15-ianni 2025-mi Imarsiornermik Ilinniarfimmi suleqateqarnermik aallartitsivoq.

Sullissinnermi aamma suliffissarsiornermi ikiorsiissutit pillugit unammilligassat ukiumi nutaami suli unammilligassaapput, suliffissarsiortullu arlallit eqqugaapput. Suliffeqarneq aamma Inunnik Isumaginninnermi Kiffartuussivimmit suli iluarsiniartoqarpoq.

Inunnik Isumaginninnermi Kiffartuussivimmi Aqqusinnermi ujartuullutik Angalaartartut najugaqalivinnissamut sungiusarnissamut allatsissinnaanermut periarfissanik ussassaarinnermik immikkut suliniuteqarput. Aaqquissuussaq ukioq ataaseq affarlu tikillugu ineeqqamik attartornissamut periarfissiivoq, sivitsorneqarsinnaasumik. Patajaallisaanissaq aamma innuttaasut ulluinnarminnik, suliffimminnik ilinniarnerminnilluunniit attassiinnarnissaanik tapersersuinissaq anguniagaavoq.

Nuummi Inunnik Isumaginninnermik Kiffartuussivik Imaneq 34-miit avatangiisinut nutaanut kommunip allaffianut nuuppoq. Nutserneq ingerlanneqarpoq innuttaasullu sumiiffiup allangorneranik ilisimatinneqarput.

Utoqqarnik Sullissiveqarfik

Taamatuttaaq ukiup nutaap aallartinnerani Utoqqarnik suliassaqarfimmi tulleriissaarisartut kommunip allaffianut nuupput taamaasillutik ingerlatsivimmi kommunimilu tulleriissaarisartunut allanut qaninnerulerlutik.

Kommunimit missingersuutitut isumaqatigiisummit neriorsuummik atuutsitsilertoqarpoq, taamaasillutik utoqqalinersiallit naluttarfiup ammanerani akeqanngitsumik naluttarfimmut isersinnaalerput.

Punkt 1: Utoqqarnik suliassaqarfimmi killiffik, januaari-decembari 2024

Beslutning

Ilisimatitsissut tusaatissatut tiguneqarpoq.

Bilag

Ukiup (affakkuutaartumik) utoqqarnik suliassaqarfimmi killiffik, januaari - decembari 2024



Utoqqarnik suliassa qarfirmi killiffik, januaari-decembari 2024

Ukiup (affakkaartumik) killiffik

Ilisimatitsissut

SagsID.: EMN-2024-02956

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamat inassuteqaatigineqarpoq:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit utoqqarnut suliassa qarfirmi ukiup affakkaartumik killiffimmik 2024-mi ukiup affaanut siullermut tunniussa qarfirmangillat napparsimasimalluni nalunaarsimaneq pissutigalugu aamma taamaattumik massakkut Utoqqarnut suliassa qarfirmi piffissamut 2024-mut tamakkerlugu atuuttumik killiffik pillugu ilisimatitsisoqassaaq. Ilisimatitsissummiipput suliatiqut aamma aningaasaqarnikkut pingaarnertut kisitsisit aamma ingerlatsineq ilanngullugu.

Aammattaaq ataatsimiinnermi Utoqqarnut suliassa qarfirmiit sinniisumik peqataasoqassaaq, ataatsimiititami ilaasortat apequteqarnissaminnut ilaalu ilanngullugit periarfissaqarniassammata.

Killiffik ilanngussani nassaarineqarsinnaavoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq
- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq
- 2021-2025-mut suleqatigiinnissamik isumaqatigiissut
- Kommuneqarfik Sermersuup Utoqqaat pillugit politikkaa 2016-2026
- Kommuneqarfik Sermersuumi utoqqaat pillugit immikkoortumut pilersaarut
- Utoqqarnik suliassa qarfirmi suliatiqut pitsaassusissaannik allaaserisat 2024

Ilanngussat

1. Ukiup (affakkuutaartumik) utoqqarnik suliassa qarfirmi killiffik, januaari - decembari 2024

Punkt 2: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut figuneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2024-imi kvartalit sisamaannut tunngasuuvoq. Nuummi, Paamiuni, Tasiilami Ittoqqortoormiini 2024-imi kvartalit sisamaanni suliffissaaleqisut amerliartuinnavissimapput. Tamanna naatsorsuutigineqareersutut ukiup akunnasseruttofianik aammali Majoriami suliffissarsiortunut ikiorsiissutilerisarnermi aamma pisortanit ikiorsiissutilerisarnermi allaffissornermi atugassanik IT-systeminik nutaanik atuutilersitsinissamut pingaarnertut suliaqarnermik patsiseqarpoq, sulilu aqqitassanik, amigaatinik naapertuutinnngitsunillu isumagineqartariaqartunik nalaatsisoqallattaasarluni. Majoriami suliassat tamamik inatsisigut pituttugaasut ataavartumik sularineqartarput.

Kommuneqarfik Sermersuumi suliffissaaleqisut nikerarnerat

Kommunimi suliffissaaleqisut assigiinngitsut katitigaanerat ukiuni kingullerni pingasut-sisamani ikiliartuinnavissimapput, aamma piffissami sivisuumi suliffissaaleqisut sinneruttut matchgruppe 2-miittut suliniutigineqarnerat aallunneqarnerusimavoq. Suliffissarsiuussisarfimmilu pingaarnertut suliassat isumagineqarnerat periarfissaqalernermi pitsanngorsaavigineqassaaq, tamannalu suliffissaaleqisut amerleriarnerrannut iluaqutaassaaq.

Suliffissarsiuussisarfiimmit naatsorsuutigineqarpoq, 2025-mi kvartalip siulliata ingerlanerani suliffissaaleqisut amerlassutsimikkut appariaqqikkumaartut, tamatumalu kingorna ukiuni 2020-mi, 2021-mi, 2022-mi aamma 2023-mi pissutsinut assingusumik ingerlajumaartoq, tassa suliffissaaleqisut ikiliartuinnavissimapput. Suliffissaaleqisut ikittuinnaanerinut ilaatigut patsisaavoq, suliffissatigut periarfissagissaarnerulerneq, pingaartumik pisinniarfinni kiffartuussinermillu suliaqarfinni kiisalu modulikkaartumik atuartitsinermi piginnaanngorsaaneq, inuusuttunut inersimasunullu suliffissaaleqisunut naleqquttut.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffeqanngikkallarnermi pisartakkanut aningaasartuutinut aningaasaqarnikkut sulisoqarnikkullu sunniuteqartarput.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumsumik uppernarsaatillit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq



Ilangussat

1. Suliffissaaleqisut kisitsisaannut takussutissiat

Punkt 3: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit 2024-mi killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniartugut suliniutit pillugit 2024-mi killiffik

Ilisimatitsissut

SagsID.: EMN-2025-00013

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniartugut suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2024-mut tamarmut tunngavoq.

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut ilisimatitsissutigineqarpoq, pisortanik ikiorsiissutit aamma suliffissarsiornermi ikiorsiissutit pillugit inatsip, ulloq 29. oktobari 2024-meersup, ulloq 10. septembari 2024-meersup aamma ulloq 6. februaari 2024-meersup atuutilersinniarneqarneranut atatillugu unamillernartorsiortoqartoq.

Inatsisit taakku marluk nutaat allaffeqarfiup qarasaasiamik atortuinik ajornartorsiuteqartuarnepassuarnik uteqqiattunik aqquusaagaqarnermi Majoriami sulisunit innuttaasunut akiliutigineqartartut qulakkeerneqarnissaannik salliutitsinerannik kinguneqarpoq, innuttaasut suliffeqanngitsut sulilersinnissaannik suliniutit akigalugit. Suliffeqarnermut Isumaginninnermullu Ingerlatsivimmit nalilerneqarpoq, innuttaasut amerlanerit sivisuumik suliffissaaleqileratarsinnaasut, piffissaagallartillugu suliniuteqarfigineqarsimannginnerup kinguneranik.

Nuuk

Nuummi suliffissaaleqineq 2024-p ingerlanerani qaffarjalaarsimavoq. Taamaattorli suliffissaaleqineq suli annikitsuinnaavoq. Nuummi suliffissaaleqisut tassaapput innuttaasut sivisuumik suliffissaaleqisuusimasut unammilligassallillu, Majoriaq-miit aamma Oqartussaaffeqarnermik immikkoortortamit immikkut suliniuteqarfigineqarnissaminnik pisariaqartitsisut.

Paamiut

Paamiuni suliffissaaleqineq 2024-mi aalaakkaasimavoq. Paamiuni suliffissaaleqisunut suliffissanik amerlanngitsunik neqerooruteqarpoq, suliffissaaleqisullu ataatsimut isigalugu suliffissat Majoriaq-mit innersuunneqartartut suliffigilernissaannik attassiinnarnissaminnillu ajornartorsiutigisarpaat. Majoriami suliassat tamarmik inatsisigut pituttugaasut ataavartumik suliarineqartarput.

Tasiilaq

Tasiilami suliffissaaleqinerup ukiuni arlalinni appariartuinnarsimanera 2024-mi imaalilluni patajaallisimavoq suliffissat Tasiilami amigaataalersimallutik. Majoriami suliassat tamarmik inatsisigut pituttugaasut ataavartumik suliarineqartarput.

Ittoqqortoormiit

Ittoqqortoormiini suliffissaaleqineq suli aalaakkaalluni appasippoq. Majoriami suliassat tamarmik inatsisigut pituttugaasut ataavartumik sularineqartarput.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqineq ukiuni kingullerni tallimani appariartorsimavoq. Taamaattumik suliniutit Majoriaq-mi matchgruppe 2-mi sivisuumik suliffissaaleqisunut sinneruttunut aamma matchgruppe 3-mi sulileriaannaanngitsunut sammitinneqarnissaat sallinneqarpoq.

Kommuneqarfik Sermersooq, kommunip piujuartitsinermik suliap atuutilersinnissaani, kommunip isumaginninnermi akisussaaffianik ukkataqartussaavoq, piginnaanngorsaaqqinnissamut inissanik il.il. amerlanerusunik kommunip nammineq immikkoortoqarfiini suliffeqarfiinilu neqerooruteqarnermigut taamaalilluni suliniutit pingaartumik matchgruppe 2-mi suliffissaaleqisunut sammitinneqarneri malugillualerlutigit.

Suliffeqarnermut Isumaginninnermullu Ingerlatsiviup 2025-mi suliffissaqartitsinermik suliassaqaqarfirmi pingaarnertut suliassaminut uteqqinnissaq qilanaarivaa, taamaalilluni innuttaasut suliffissaaruterlaat sivisuumik suliffissaaleqisunngunnginnissaannik tapersorsorneqassapput sivisuumillu suliffissaaleqisut sulilersinneqarnissaannik ikiorneqarlutik.

Suliffissarsiornermut nutaatut ikiorsiissutit innuttaasut amerlanerit suliffissaaleqisutut nalunaarsornissaannut kajumissuseqalersissimavai, taamaattumik sullissisarnerup aallarteqqinneqarnerata aamma suliniutit kingorna suliffissaaleqinerup ukiunut tallimanut kingullernut sanilliullugu appariaateqarnissaa naatsorsuutigineqarpoq, tassa suliffissaaleqineq 2020-mut, 2021-mut, 2022-mut, 2023-mut aamma 2024-mut sanilliullugu suli qaffasissutsip ataaniimmat. Takuuk ilanngussami takussutissat 1 aamma 2.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsiviup suliffissaaleqisut suli amerlanerusut nalunaarsortarnissai suliffinnullu innersuuttarnissai sularivai, suliniutilli annikillisarneqarsimapput qulaani qarasaasianut atortut 2024-mi ajornartorsiutigineqarnerat pissutigalugu. Tabelimi piffissami suliffissanut innersuunneqarsimasut naatsorsornerat takutinneqarpoq. Suliffissaaleqisut piginnaasaannik ineriartortitsineq aqputigalugu, (pikkorissaanerit allallu) aamma sumiiffimmi suliffeqarfiit suleqatigalugit kommunimi illoqarfinni nunaqarfinnilu suliffissaaleqisut amerlanerusut innersuunneqarsinnaanissaat anguniagaavoq, soorlu aamma inuusuttut suliffissaaleqisut assigiinngitsunik ingerlatsinernut, Majoriap neqeroorutaanut, innersuunneqartartut.

Sumiiffik	Suliffissamik innersuunneqartut amerlassusii 2024
Nuuk	279
Paamiut	117
Tasiilaq	27
Ittoqqortoormiit	0
Nunaqarfinni tamani	7

Matchgruppiniut agguataarinerisa naatsorsorneqarnerat

Suliffissaaleqisut matchgruppe 2-miittut suliniuteqarfigineqarnissaat pingaartinneqarnerat annertusivoq. Modulikkaartumik MA-mik ingerlatsinissaq pillugu misiliutaasumik suliniummik aallartitsisoqarpoq. Misiliutaasumik suliniutip siunertarivaa, inuit suliffissaaleqisut inuttut piginnaasatigullu paasinianeqarnissaat taamaalillugillu ilinniagaqarnissaannut suliffeqalernissaannulluunniit piumassuseqalerniassammata. Pingaartumik atualersitsinermut tunngatillugu inersimasut amerlanerusut ingerlatsinissaminut tiguneqarput, suliffissaaleqisut amerlasuut piginnaasaat naammangimmata ilinniarnermik aallartitsinissamut.

Tamatuma saniatigut suliffissaaqisunik nalunaarsuisarnej sakkortunerulersinneqarpoq. Suleriaaseq nutaaq atulernerqarpoq, tassani suliffissaaleqisut nutaat tamarmik suliffissaaleqisutut nalunaarsorneqannginnerminni oqaloqatigineqaqqaartalerlutik. Taamatut iliornikkut suliffissaaleqisut sukkanerusumik sulileqqinnissaat periarfissaqarnerulissaaq attassiinnarnissaminnullu kajumissuseqarlutik.

Suliffissaaleqisut allat iliussissatut pilersaarutininik malinnaatitsinermut aggersarneqartarnerat suli ingerlanneqarpoq, kingornalu paasiniaasoqariarluni suliffimmik misiliinerit ingerlanneqalersarput. Ilanngussami takussutissiaq 3 takuuk.

Avataaniit suliarortut naatsorsorneqarnerat

	2024
Akuersissutit amerlassusiat	466
Allaffeqarfimmit akuersissutinut kisitsisaatit	2
Itigartitsissutit amerlassusiat	13
Sivitsuinerit amerlassusiat	293
Taamaatitsinerit amerlassusiat	0
Aalajangiinerit katillugit	774

Akuersissutit assigiinngitsut atorfinnut taaguutininut agguataarneqarnerat kvartalikkaartumik ilisimatitsissutigineqartarput, soorlu ilanngussami assitaani 4-mi takuneqarsinnaasoq.

Ujartuilluni ilitsersuisarnerup naatsorsorneqarnera

Majoriaq inuusuttunut 18 - 30-it akornanni ukiulinnut ujartuilluni ilitsersuisarnermik suliaqartassaaq. Ujartuilluni ilitsersuinerit sullinniakkat inuusuttuupput suliffissaaleqisut, ilinniakkamik ingerlatsinngitsut kiisalu Majoriami suliffissaaleqisutut nalunaarsorneqarsimannngitsut.

Ujartuilluni ilitsersuisarnej piffissami sivilisunerusumi uninngareerluni maanna aallarteqqinneqarnissaa piareerpoq, kommunillu ujartuilluni ilitsersuisarnissamut piareersaatit aallartippai, Nuummi, Paamiuni aamma Tasiilami aalajangersimasumik ilitsersuisumit ingerlanneqartussamik suliniutillu inuusuttunut suliffissaaleqisunut sammitinneqassapput. Ujartuilluni Ittoqqortoormiini suliniuteqarnej Majoriap ingerlaavartumik isumagissavaa, tassani inuusuttut nappaamminnik suussusersineqartut Piorsaavimmi piginnaanngorsaqqinnissaminnik neqeroorfigineqassapput.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffeqanngikkallarnermi pisartakkanut aningaasartuutininut aningaasaqarnikkut sulisoqarnikkullu sunniuteqartarput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Suliffeqarnermi innersuussisarnej il.il. pillugit Inatsisartut inatsisaat nr. 5, 8. juni 2014-imeersoq



Ilangussat

1. Suliffissaaleqisut kisitsisaannut takussutissiat

Punkt 4: Kajumissuseq tunngavigalugu isumaginninnermi sulinermut tapiissutinik agguaanerup killiffia

Beslutning

Ilisimatitsissut tusaatissatut tiguneqarpoq.



Kajumissuseq tunngavigalugu isumaginninnermi sulinermut tapiissutinik agguanerup killiffia

Ilisimatitsissut

SagsID.: EMN-2024-03864

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik isumaginninnikkut nammeneq kajumissutsimik suliaqartunut ukiumoortumik tapiissuteqartarpoq. Peqatigiiffinnik, kattuffinnik inuilluunniit ataasiakkaat inuuniarnermikkut ajornartorsiuteqartut sammisassaqartinnissaannut suliniuteqartunut aningaasaliissuteqarnissaq siunertaavoq.

Suliffeqarnermut Isumaginninnermullu Ingerlatsivik ukiumut marloriarluni (juunimi oktobarimilu) qinnuteqaatinik tiguneqartunik suliaqartarpoq. Suliffeqarnermut Isumaginninnermullu Ingerlatsivik ataasiarluni juunimi qinnuteqaammik tigusaqarpoq, 30.000 kr.-it akuersissutigineqarlutik. Aningaasat Nuummi meeqqanut qulingiluanut 5. aamma 6. klassimeersunut Danmarkimi misigisassarsiortinneqarnerannut atorneqarput. Suliffeqarnermut Isumaginninnermullu Ingerlatsivik tamakkiisumik nalunaarusiaq aamma suliniummut naatsorsuutit tiguai, suliniullu iluatsilluarpoq.

Suliffeqarnermut Isumaginninnermullu Ingerlatsiviup qinnuteqaatit arfinilit oktobarimi tiguai. Suliffeqarnermut Isumaginninnermullu Ingerlatsiviup suliniutit sisamat taperserniarlugit aalajangerpoq.

- Sipineq+ Nuuk Pride sioqqullugu workshopeqarnissaanut 101.515 kr.-nik tapiissutisivoq.
- Peqatigiiffik Foreningen Julehjælp Nuuk innuttaasunut pisariaqartitsisunut ilaqutariinnullu tapiissutinik 26.686 kr.-nik tapiiffigineqarpoq
- Ane Amalie Kuitse pimmatiginnittarneq pillugu aaqqissuussap ingerlannissaanut 17.800 kr.-nik pissarsivoq
- Nuuk Gymnastik suliniummut "åben hal"-imut 25.000 kr.-nik pissarsivoq

Suliffeqarnermut Isumaginninnermullu Ingerlatsivimmi assut nuannaarutigivarput pitsaasorpasuit tapiissuteqartarfimmu qinnuteqaatigineqartorpasuit, qilanaarivarpullu suliniutit tapiiffigineqartut pillugit nalunaarusianik tigusaqarnissarput.

Ingerlatsivimmit aningaasatigut sulisoqarnikkullu naliliinerit

Ukiumut tapiissutinut aningaasanut atugassatut 201.000 koruunit immikkoortinneqartarput. Tapiissuteqartarfiup aningaasaatai suliniutinut 2024-mi agguataarneqarput.

Missingersuusioneremut Naatsorsuusioneremullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Peqatigiiffinnut isumaginninnermik suliaqartunut tapiissutinut piomasaaqatit; Inunnik ikiuinissaq siunertaralugu kajumissutsimik suliaqartunut tapiissutit



Ilanngussat
Soqanngilaq.

Punkt 5: Inuit innarluutillit pillugit Siunnersuisooqatigiit ataatsimiittarnerannik ataavartumik ilisimatitsinerit

Beslutning

Ilisimatitsissut tusaatissatut tiguneqarpoq.

Bilag

Inuit innarluutillit pillugit Siunnersuisooqatigiit aamma Suliffeqarnermut Isumaginninnermullu Ataatsimiititap
ataatsimiinnerannit imaqarniliaq 03-12-2024-meersoq

Inuit innarluutillit pillugit Siunnersuisooqatigiit ataatsimiittarnerannik ataavartumik ilisimatitsinerit

Ulloq 3. decembari 2024-mi ataatsimiinnermit

Ilisimatitsissut

SagsID.: EMN-2023-02055

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiittamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Decembarip ulluisa pingajuanni 2024-mi Inuit Innarluutillit pillugit Siunnersuisooqatigiit aamma Suliffeqarnermut Isumaginninnermullu Ataatsimiittitaq ukiumoortumik ataatsimeeqatigiipput, Inuit Innarluutillit pillugit Siunnersuisooqatigiinnut ileqqoreqqusaq naapertorlugu. Inuit Innarluutillit pillugit Siunnersuisooqatigiit oqaluuserisassanik aamma 2024-mut killiffik pillugu nalunaarusiaminnik saqqummiussipput.

Ilinniagaqarnermut suliffeqarnermullu periarfissat

Inuit Innarluutillit pillugit Siunnersuisooqatigiinnit inuusuttut inersimasullu piginnaasakillisimasut ilinniarnermut suliffeqarnermullu atatillugu unammilligassat misigineqartartut ersarissarneqarput. Taakkununga periarfissaqannginneq kisimiinnermik aamma inuiaqatigiinnut attuumassuteqannginnermik misigilersitsisinnaasoq ersarissarneqarpoq. Siunnersuisooqatigiinnit innersuussutigineqarpoq kommunimit suliffeqarnermut suliniutit pitsaangorsarneqassasut aamma inuusuttunut piginnaasakillisimasunut piginnaangorsarnissamat neqeroorusiortoqassasoq.

Meeqqanut inuusuttunullu suliffimmik misiliineq

Inuit Innarluutillit pillugit Siunnersuisooqatigiinnit suliffissaqarnermut ikaarsaarnissamat meeqqanut inuusuttunullu piginnaasakillisimasunut suliffimmik misiliinnermut periarfissanik pitsaanerusunik pisariaqartitsineq erseqqissaatigineqarpoq. Siunnersuisooqatigiinnit kommunimit suliffimmik misilliffiusinnaasunik peqataatitsiffiusunillu pilersitsinissamat najukkami suliffeqarfiit ilinniarfiillu suleqatigineqassasut innersuussutigineqarpoq.

0 - 18-inik ukiulinnut suliassaqaarfimmi ikorfartortit

Inuit Innarluutillit pillugit Siunnersuisooqatigiinnit meeqqanut inuusuttunut ikorfartortinik amigaateqarnek kiisalu piukkunnartunik atorfinitsitsiniarnermi ajornartorsiutit erseqqissaatigineqarput. Atorfiit kajuminnarnerulersikkumallugit siunnersuisooqatigiinnit siunnersuutigineqarpoq sulinnermi atugassarititaasut pitsaanerunissaat soorlu nikerarsinnaaneq piginnaangorsarnissamullu periarfissat. Taakkua saniatigut suliassaqaarfimmi sulisoqarnissaq aamma piginniaasaqarnek qulakkeerniarlugu nunanit allaniit sulisussarsiornissamat periarfissat misissorneqarnissaat innersuussutigineqarpoq.

Inuttaasunik pitsaanerusumik sullissineq paasissutissiinerlu

Inuit Innarluutillit pillugit Siunnersuisooqatigiinnit pisinnaatitaaffiit pillugit paasissutissiinnermik pitsaanerusumik aamma ikiorneqarnissamat isaavimmik pisariaqartitsineq eqqaaneqarpoq. Inuit Innarluutillit pillugit Siunnersuisooqatigiinnit innuttaasut neqeroorutaasunut pioreersunik pisinnaatitaaffinillu ilisimasaqarnerulernissaannut qaammarsaanermik aallartitsinissaq innersuussutigineqarpoq

Inerniliineq

Inuit Innarluutillit pillugit Siunnersuisooqatigiit killiffik pillugu nalunaarusiorput, tassani pingaarnertut unammilligassat ukkanneqarput aamma ilinniartitaanermut, suliffeqarnermut, ikorfartortinut innuttaasunillu sullissinnermut aaqqissuutissanik siunnersuuteqarput. Ataatsimiititamiit siunnersuisooqatigiit suliaat naammagisimaarneqarpoq, innersuussutigineqartullu sulissutigeqqinnissaata pingaaruteqarneri erseqqissaatigineqarpoq.

Suliffeqarnermut Isumaginninnermullu Ataatsimiititaq Inuit innarluutillit pillugit Siunnersuisooqatigiinni ataatsimiittarnerit pillugit ataavartumik ilisimatinneqartarpoq, soorluttaaq Inuit innarluutillit pillugit Siunnersuisooqatigiinnit imaqarniliat Kommuneqarfik Sermersuup nittartagaani tamanut saqqummiunneqartartut.

Ingerlatsivimmit aningaasatigut sulisoqarnikkullu naliliinerit
Pisariaqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat
- Inuit innarluutillit pillugit Siunnersuisooqatigiit suleriaasiat

Ilanngussat

1. Inuit innarluutillit pillugit Siunnersuisooqatigiit aamma Suliffeqarnermut Isumaginninnermullu Ataatsimiititap ataatsimiinnerannit imaqarniliaq 03-12-2024-meersoq.

Punkt 6: Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq

Beslutning

Ilisimatitsissut tusaatissatut tiguneqarpoq.

Bilag

Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap ulloq 19-11-2024-mi ataatsimiinnerannit imaqarniliaq

Utoqqaat pillugit Siunnersuisooqatigiit ataatsimiittarnerinik ataavartumik ilisimatitsisarneq

Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap ukiumoortumik ulloq 19. novembari 2024-mi ataatsimiinnerat

Ilisimatitsissut

SagsID: EMN-2023-02053

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Ulloq 19. novembari 2024-mi Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap akornanni ukiumoortumik ataatsimeeqatigiittarneq ingerlanneqarpoq Utoqqarnut Siunnersuisooqatigiinnut malittarisassat malillugit. Ataatsimiinnermi Utoqqaat pillugit Siunnersuisooqatigiinnit innersuussutigineqartut saqqummiunneqarput eqqartorneqarlutillu (ilanngussaq 1 takuuk). Innersuussutigineqartut ataani tulleriiarneqarput.

Utoqqarnut inissianik pitsanngorsaaneq

Utoqqaat pillugit Siunnersuisooqatigiinniit innersuussutigineqarpoq, kommune Namminersorlutik Oqartussanut siunnersuusiussasoq, inunnut innarluutilinnut aamma utoqqarnut inissiat ullutsinnut naleqqunnerusut amerlanerit pilersinneqarnissaat pillugit, pingaartumik inissianut allernut, taakku Namminersorlutik Oqartussat iluarsaassinissamik pilersaarutaasa ilaattut. Siunnersuutigineqarportaaq, kommune iluarsaassinissamik pisariaqartitsineq pillugu inissiatileqatigiiffinnik Iserit A/S aamma A/S INI oqaloqateqassasoq.

Utoqqaat isumassorneqarnerinut assaat amerlanerit

Utoqqarnik paaqqutarinninnermi sulisunik amigaateqartuarneq ajornartorsiutaajuartut eqqartorneqarpoq. Utoqqaat pillugit Siunnersuisooqatigiinnit innersuussutigineqarpoq, eqqiaanermik errortassanillu suliassat avataanit suliariumannittussarsiuunneqassasut nukissat suliassanut pingaannerusunut atorsinnaaqullugit. Ilanngullugu siunnersuutigineqarpoq, maani najugaqartut avataaneersut atorfinitsinneqarallartarnissaat imaluunniit atorfinitsivinneqartarnissaat pillugu, sulinnigfeqarnermi allatigullu ajornartoornemi sulisunik amigaateqartarneq ikiorserniarlugu.

Kommunimi utoqqaat atugarisaannik misissuineq

Kommunimi 2024-mit utoqqarnik misissuinerup inernerani ilaatigut utoqqarpassuit kiserliortut misigisimasat erseqqissarneqarput. Tamanna tunngavigalugu Utoqqaat pillugit Siunnersuisooqatigiinnit innersuussutigineqarpoq, illoqarfinni utoqqaat angallanneqartarnerat pitsaanerulersinneqassasut, aamma sammisassanut bussinik ingerlanneqartarnissaq pillugu, soorlu Pilutaq Nuummiittoq. Innersuussutigineqarportaaq, utoqqaat kiserliortut tapersorsorneqarusullutik aamma oqaloqateqarusullutik oqarasuaammik sianerfigisinnaasaannik pilersinneqassasoq, kiisalu utoqqaat ataatsimoorfigisinnaasaannik amerlanerusunik pisariaqartitsisoqarnerisooq misissorneqassasoq.

Ippiarsummut pulaarneq

Utoqqaat pillugit Siunnersuisooqatigiit 2024-mi ukiakkut Ippiarsummut pulaarput, utoqqaat atugaat annerusumik paasisaqarfigiumallugit pulaarnertillu tunngavigalugu allanik imaattunik siunnersuuteqarput:

- Akikinnerusumik internetseqarnissamut periarfissaqarnissaq aamma utoqqaat illuini najugalinnut TV-kanalinit tunngatillugu, taakku utoqqalinersiaat annikillilerneqartuummata
- Puiguttortunik suliaasaqarfimmi suliniutit amerlanerusut aallarnisarneqassasut, taakkununga ilanngullugit innuttaasunut puiguttortunngortunut inissiat naleqqussakkat, pitsaanerusumik paasissutissiisarnissaq qanigisaasunullu tapersersuisarnissaq, puiguttortunngornerullu nakorsanit immikkut ilisimasalinnit sukkannerusumik suussusersineqartarnissaa
- Ippiarsummi init siniffillu amerlanerusut pilersinneqarsinnaanersut pillugit inissanik atuineramik nalilersuineq, atugassaritinneqartut pioreersut iluani init allaffittut, ataatsimiittarfittut, pequusivittut allatigullu atorneqartut amerlassusiinik allatut aaqqissuisoqarsinnaanera pillugu.

Ingerlariaqqinnissaq

Suliffeqarnermut Isumaginninnermullu Ataatsimiititap aamma Utoqqaat pillugit Siunnersuisooqatigiit ataatsimiinnerminni innersuussutit siullit marluk kisiisa eqqartorlugit angumerivaat. Taamaattumik kingusinnerusukkat ataatsimiinnermik malitseqartitsisoqassaaq ataatsimiititap siulittaasuata aamma Utoqqaat pillugit Siunnersuisooqatigiinni siulittaasup akornanni.

Suliffeqarnermut Isumaginninnermullu Ataatsimiititaq Utoqqaat pillugit Siunnersuisooqatigiinni ataatsimiittarnerit pillugit ataavartumik ilisimatinneqartarpoq, soorluttaaq Utoqqaat pillugit Siunnersuisooqatigiinnit imaqarniliat Kommuneqarfik Sermersuup nittartagaani tamanut saqqummersinneqartartut.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Kommuneqarfik Sermersuumi Utoqqaat pillugit Siunnersuisooqatigiinnut ileqqoreqqusat
- Utoqqaat pillugit Siunnersuisooqatigiit suleriaasissaat
- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussat

1. Utoqqaat pillugit Siunnersuisooqatigiit aamma Suliffeqarnermut Isumaginninnermullu Ataatsimiititap ulloq 19-11-2024-mi ataatsimiinnerannit imaqarniliaq

Punkt 7: Nuummi utoqqarnut pisinnaanerusunut inissialiornissaq pillugu siunnersuummut malinnafiginnineq

Beslutning

Ilisimatitsissut tusaatissatut tiguneqarpoq.

Nuummi utoqqarnut pisinnaanerusunut inissialiornissaq pillugu siunnersuummut malinnafiginninneq

Kommunalbestyrelsimut ilaasortap Peter Davidsenip (S) Kommunalbestyrelsimut siunnersuutaa

Ilisimatitsissut

SagsID.: EMN-2024-02991

Suliffeqarnermut isumaginninnermullu ingerlatsivik – pisortaq Ejner Grønvold / EJGR

Sanarfinermut Avatangiisinullu Ingerlatsivik – pisortaq Søren Sohn Krog Pedersen / SSKP

Inassuteqaat

Suliffeqarnermut Isumaginninnermullu Ingerlatsivimmit aamma Sanaartornermut Avatangiisinullu Ingerlatsivimmit Suliffeqarnermut Isumaginninnermullu Ataatsimiititamut aamma Illoqarfimmik Ineriartortitsinermit Sanaartornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommunalbestyrelsemut ilaasortap Peter Davidsenip (S) Nuummi utoqqaat pisinnaanerit inissiassaannik sanaartornissamut periarfissaqarnerasoq pillugu siunnersuutaa 25. juni 2024-mi Kommunalbestyrelsimit eqqartorneqarpoq. Kommunalbestyrelsimit aalajangiunneqarpoq, "Siunnersuut akuerineqarpoq, aamma Suliffeqarnermut Isumaginninnermilu Ingerlatsivimmut kiisalu Illoqarfimmik Ineriartortitsinermit Sanaartornermullu Ataatsimiititamut suliassanngorlugu ingerlatinneqarluni".

Nuummi innuttaasut 67-it sinnerlugit ukiullit ukiut qulit ingerlaneranni marloriaatinngungajassimapput, ineriartornerlu ukiuni tulliuuttuni ingerlaannassangatinneqarpoq.

Isumaginninnermut Suliffeqarnermullu Ingerlatsivik ullumikkut inissianik utoqqarnut aamma innarluutilinnut naleqquttunik innersuussisarpoq, tak. kommunimi suliat pitsaassusissaasa allaaserineqarneri, innuttaasoq timikkut piginnaasakillismappat, inissiami utoqqarnut innarluutilinnullu naleqqussakkami ikiernerneqarsinnaasumik. Ingerlatsivik (13/12-24) Nuummi utoqqarnut innarluutilinnullu naleqqussakkanik 275-inik inissiaateqarpoq, taassumalu saniatigut innuttaasut 68-it utaqqisuniillutik.

Ingerlatsivimmit utoqqarnut pisinnaanerusunut inissiaateqarnissamut qanoq pisariaqartitsitigisoqarnerasoq pillugu ullumikkut tamakkiisumik takussutissaqanngilaq, taamaattorli utoqqaat amerlatikkiartornerisa kingunerannik inissiat pisariaqartinneqarneruleriartornissaat ilimagineqarluni.

Isumaginninnermut Suliffeqarnermullu Ingerlatsivimmit 2025-mut missingersuutininik suliaqarnermut atatillugu utoqqarnut innarluutilinnullu inissiat amerlinissaat kiisalu utoqqarnut nammineersinnaanerusunut inooqataanikkut pisariaqartitsisunut najugaqatigiiffinnik pilersitsinissamut siunnersuut pillugit sanaartornermut tunngasumik saqqummiisoqarpoq.

Kommunalbestyrelsimit missingersuutit pillugit isumaqatigiissuteqarnermut atatillugu inissianik nalinginnaasunik, matumani utoqqarnut naleqquttunik inissianik utoqqarnullu najugaqatigiiffinnik

sanaartornissamut ukiunut qulinut pilersaarusiornissaq pingaernerutinneqarpoq. Kommunalbestyrelsimit aalajangiunneqarpoq, nutaanik inissialiornissamut ukiunut tulliuuttunut sisamanut Iserit A/S 50 mio kr.-inik aningaasaliiffiqineqassasoq.

Naalackersuisut utoqqarnut periusissiaanni aamma utoqqarnut inatsisissatut siunnersuutaanni nutaami, maannakkumut siullermeerlugu suliarineqareersumi, utoqqarnut suliassa qarfirmut utoqqarnut inissiat utoqqaallu najugaqatigiiffii neqeroorutitut periarfissatut nutaatut atuutilersissapput.

Utoqqarnut inissiassat nutaat inatsisissatut siunnersuut naapertorlugu innuttaasunut utoqqarnut ulluunerani ikorfartorneqarnissaminut taamaallaat pisariaqartitsisunut siunnerfeqassapput. Utoqqaat najugaqatigiiffii nutaat (massakkut kommunip utoqqaat najugaqatigiiffiannut assingunngitsut) inatsisissatut siunnersuut naapertorlugu innuttaasunut utoqqarnut ulluunerani suliassatigut taamaallaat pisariaqartitsisunut inooqataanikullu utoqqaat najugaqatigiiffiini matussuserneqarluarnerusinnaasumik pisariaqartitsisunut siunnerfigineqassapput. Maannakkumut inatsisissatut siunnersuummut aningaasaliissuteqartoqanngilaq.

Utoqqarnut inissiassat aamma utoqqarnut najugaqatigiiffissani inissiat inatsisissatut siunnersuut naapertorlugu nalinginnaasutut inissiatut inissisimassapput. Kommune inissianut akinik aalajangersaasarnermut atatillugu suliassa qarfirmi maleruagassanut atuuttunut pituttorsimavoq, taamaattumik inissiassani nutaani, matumani suliassa qarfirmi pitsaassutsinik piunasaqaatinut naammassinnissinnaasut, inissianit nalinginnaasunit qanganisaanerusunit inimut akiliut annertunerunissaa naatsorsuutigineqartariaqarpoq.

Taamaattorli inatsit atuuttoq naapertorlugu ineqarnermut tapiissutissamik qinnuteqartoqarsinnaassaaq.

Ingerlatsivimmit aningaasatigut sulisoqarnikkullu naliliinerit

Aningaasatigut kingunerisassat nalilersornissaat siunertaralugu misissueqqaartoqassaaq. Aammattaaq Naalackersuisut utoqqarnut inatsisissatut siunnersuutaasa suliarineqarnissaa aammalu tamanut tapiissutit isumaqatigiinniutigineqarnissaannut atuuttut utaqqineqarput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatillit

- Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaat
- Kommuneqarfik Sermersuumi Utoqqarnut tunngasuni suliassa qarfirmi suliassat pitsaassusissaasa allaaserineqarnerat

Ilanngussat

Ilanngussa qanngilaq.

Punkt 8: 2024-mi kvartaalit sisamaanni kiisalu 2024 tamakkerlugu pissaanermik atuisimaneq pillugu nalunaarussiaq

Beslutning

Ilisimatitsissut tusaatissatut tiguneqarpoq.

2024-mi kvartaalit sisamaanni kiisalu 2024 tamakkerlugu pissaanermik atuisimaneq pillugu nalunaarussiaq

Ilisimatitsissut

SagsID.: EMN-2024-01131

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juuni 2022-mi §53-imi allassimavoq pissaanermik atuinermit nalunaarutiginninnerit pillugit ukiumoortumik nalunaarussiaq kommunalbestyrelsimut saqqummiunneqartassasoq. Tassunga ilanngullugu Suliffeqarnermut Isumaginninnermullu Ataatsimiititaq kvartalikkaartumik pissaanermik atuinermit nalunaarutiginninnerit pillugit ilisimatitsissutinik tigusaqartarpoq.

Suliassamik saqqummiussinermi uani Suliffeqarnermut Isumaginninnermullu Ingerlatsivimmit ilisimatitsissutigineqassapput 2024-mi kvartaalit sisamaanni pissaanermik atuinerit pillugit nalunaarutiginninnerit kiisalu ukioq tamakkerlugu nalunaarutiginninnerit nikerarnerat. Paasissutissat ilisimatitsissummik nalunaaruteqarnermi immersukkat ikiorsiullugit katersorneqarput.

Pissaanermik atuisimaneq takussutissalioneqartarpoq, pissaanermik atuisoqarsimanermit tunngasunik suliaqartoqartillugu innuttaasut sulisullu perorsaanermit tunngasunik suliatigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq qulakkeerumallugu.

Pissaanermik atuineq kvartaalit sisamaat

Utoqqarnik Sullissiveqarfik

Nalunaarutigineqartut	Piffissami oktobari-decembari 2024-mi amerlassutsit
§ 38 - Aalajangerlugu tigummininneq imaluunniit allamukaassineq	1
§ 39 -Eqqiluitsuutitsinissamut atatillugu aalajangerlugu tigummininneq	
§ 43 – Najugarisami tigummisaaneq	
§ 40 – Ujatsiutaasamik annoraaminermik atuineq	

Nalunaarutiginninnermik malinnaaffiginninneq

Pissaanermik atuineq
 Utoqqaat Illuani
 Ippiarsummi najugaqartup
 puigortunngorsimasup
 piffissap ilaani
 sakkortuumik
 qisuariartarneranut
 atatillugu pivoq.
 Immikkoortortamit
 nalilerneqarpoq
 suliassaqarfimmi

Inunnut innarluutilinnut tarnimikkullu nappaatilinnut Immikkoortortaq

nalunaarutiginninnerit appassinnerusinnaasut. Taamaattumik immikkoortortamit Utoqqaat Illuani Ippiarsummi suliniutinik malinnaaffiginnissaaq, tassani pissaanermik atuineramik eqqortumik suliarinnittarnermut ilitsersuineq siunnersuinerlu pingartinneqassapput.

Inunnut innarluutilinnut tarnimikkullu nappaatilinnut Immikkoortortaq

Nalunaarutigineqartut	Piffissami oktobari-decembari 2024-mi amerlassutsit
§ 38 - Aalajangerlugu tigummininneq imaluunniit allamukaassineq	1
§ 39 -Eqqiluutsuutitsinissamut atatillugu aalajangerlugu tigummininneq	
§ 43 – Najugarisami tigummisaaneq	
§ 40 – Ujatsiutaasamik annoraaminermik atuineq	

Nalunaarutiginninnermik malinnaaffiginninneq
 Pissaanermik atuineq najugaqatigiiffik Seernami najugaqartoq nipituumik pissusilersornerani eqqissiumannginneranilu pivoq. Innuttaasumut tunngatillugu annertusisamik suliniummik aallartitsisoqarpoq, tassani innuttaasup angajoqqaavi politiillu aaqqiagiinnginnerup sakkortusiartornerata iliuuseqarfignerani ilanngunneqarput.

2024-mi pissaanermik atuinerit pillugit ukiumut nalunaarusiaq

Utoqqarnik Sullissiveqarfik

Nalunaarutigineqartut	Amerlassusii
§ 38 - Aalajangerlugu tigummininneq imaluunniit allamukaassineq	3 (pisimasoq 1 §39 ilanngullugu)
§ 39 - Eqqiluutsuutitsinissamut atatillugu aalajangerlugu tigummininneq	5
§ 43 – Najugarisami tigummisaaneq	
§ 40 – Ujatsiutaasamik annoraaminermik atuineq	

Nalunaarutigineqartut	Amerlassusii
§ 38 - Aalajangerlugu tigummininneq imaluunniit allamukaassineq	4
§ 39 - Eqqiluutsuutitsinissamut atatillugu aalajangerlugu tigummininneq	
§ 43 – Najugarisami tigummisaaneq	
§ 40 – Ujatsiutaasamik annoraaminermik atuineq	

Suliffeqarnermut Isumaginninnermullu Ingerlatsivimmit nalilernerqarpoq, 2024-mi Utoqqarnut, Inunnut innarluutilinnut tarnimikkullu nappaatilinnut immikkoortorta q pissaanermik atuineq pillugu nalunaarutiginninnerit piviusumik amerlassusissaminniit ikinnerusut nalunaarutigineqarsimasut. Ukiup ingerlanerani aaqqiagiinnginnermi nalerisaanermut tunngasut siunnerfeqarluni ineriartortinneqarput, tassunga ilanngullugu pissaanermik atuineq pillugu inatsimmik ilitsersuineq. Sulineq taanna 2025-mi nanginneqassaaq, tassani suliffeqarfiit tamarmik pissaanermik atuineq pillugu ilitsersuunneqarnissaat pilersaarusioreqarpoq. Ingerlatsivimmit pissaanermik atuineq pillugu quppersagaq suliarineqarpoq, taanna ilinniartitsinermi pingaarnertut sakkussaassaaq. Siunertarineqartoq tassaavoq sulisut inatsit naapertorlugu aaqqissuussaanagerusumik pitsaanagerusumillu aaqqiagiinnginnerni nalerisaanissaannik periarfissinnissaat, peqatigitillugulu aaqqiagiinnginnernik nalerisaaneq pillugu nutaanik pikkorissaasoqassaaq.

Pissaanermik atuineq pillugu nalunaarusiat amerlannginnerinut pissutaanerpaat ilagaat suliffeqarfiit ilaanni sulisut aaqqiagiinnginnernik pinngitsoortitsisarnerat, assersuutigalugu pisup qimanneratigut. Utoqqarnut, Inunnut innarluutilinnut Tarnimikkullu nappaatilinnut immikkoortortamit innuttaassut pitsaanagerusumik illersorniarlugit tapersersorniarlugillu sulisut pisariaqartillugu aaqqiagiinnginnermi peqataanagerusarnissaat sulissutigineqarpoq.

2024-mi pissaanermik atuineq pillugu inatsimmik ilitsersuinissaq aamma suliffeqarfinni eqqortumik nalunaarusiortarnissaq pingaartumik ukkanneqarput. Ingerlaavartumik ilinniartitsisarnerup inatsit sulisunit ilisimaneqarnerulerneqarpoq aamma pissaanermik atuinnginnissamut sakkussat, ilaatigut allamut saasaarinernut periusissiat aqutigalugit. Taakkua saniatigut sulisut aaqqiagiinnginnernik nalerisaanermut, tarnikkut ikiueqqaarnermut oqaloqatiginnittariaatsinullu tunngasuni pikkorissartinneqarput, tamannalu piginnaasaannik pitsaanagerulersitsivoq.

Ingerlariaqqinnissaq

Ilisimatitsissut Kommunalbestyrelsimit tusaatissat tiguneqarpat Suliffeqarnermut Isumaginninnermullu Ingerlatsivimmit ilisimatitsissut Naalakkersuisunut Nunattalu Nakorsaaneqarfianut nassiunneqassaaq isumaginninnermik suliassaqarfimmi pissaanermik atuineq pillugu inatsimmi §§53 imm. 2 aamma imm. 3 naapertorlugit.

Ingerlatsivimmit aningaasatigut sulisoqarnikkullu naliliinerit
Soqanngilaq.

Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juni 2022-meersoq

Ilannussat

Ilannussaqaqqangilaq.

Punkt 9: Paamiuni Majoriamut Pilersitsivimmullu inuussutissarsiorneq siunertaralugu attartornermut isumaqatigiissut aamma Paamiut Pilersitsivimmut isumaqatigiissut

Beslutning

Inassuteqaat akuersissutigineqarpoq.

Bilag

Inuussutissarsiorneq siunertaralugu attartornermik isumaqatigiissut v3 – Kommuneqarfik Sermersooq

Bilag 2 Pilersitsivik pillugu isumaqatigiissut KAL.pdf

Naalakkersuisunut innersuussutit Nioqqutissiornermut assingusunik ingerlatsinissat pillugit

Inatsisitigut tunngavigineqartut

Pilersitsiviup Kommuneqarfik Sermersuumiinnera pillugu isumaqatigiissutip allakkiartaa

Paamiuni Majoriamut Pilersitsivimmullu inuussutissarsiorneq siunertaralugu attartornermut isumaqatigiissut aamma Paamiut Pilersitsivimmut isumaqatigiissut

Aalajangiiffigisassaq

SagsID.: EMN-2025-00134

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamat inassuteqaatigineqarpoq:

1. Majoriamut aamma Pilersitsivimmut Paamiuni ininik attartorneq pillugu isumaqatigiissut akuerineqassasoq
2. Pilersitsivik Paamiut pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni isumaqatigiissut pillugu ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsiviup Majoriamut aamma Paamiuni Pilersitsivimmut ininik inuussutissarsiornermut atugassanik attartornissamik isumaqatigiissuteqarnissamat pisinnaatinneqarnissani kissaatigivaa. Attartornissamik isumaqatigiissut Aningaasaqarnermut Naalackersuisoqarfimmit akuerineqarpoq.

Kommuneqarfik Sermersooq aamma Namminersorlutik Oqartussat 2025-mi januaarimi Paamiuni Pilersitsiviup ukiumi 2025-mi ingerlanneqarnissaa pillugu isumaqatigiissuteqarput. Isumaqatigiissut Kommuneqarfik Sermersuup aamma Namminersorlutik Oqartussat akornanni suleqatigiinnermut tunngavissaavoq, illuatungeriinnullu aqutsinermut atorineqassaaq.

Pilersitsivik Paamiut pilersinneqarnissaa kommunalbestyrelsip ulloq 28. aggusti 2024-mi akuersissutigivaa. Suliniutip aningaasalerneqarnissaa Missingersuutit 2025-mi akuerineqartut ilagaat. Suliniummut aningaasaliissutit pisariaqartinneqartut 4 mio. kr.-iupput, taakkunannga 2 mio. kr.-it ingerlatsinermut tapiissutit Namminersorlutik Oqartussanit matussuserneqassapput.

Pilersitsiviup sullitassai 16 - 25-nut ukioqarput, suliffeqanngitsut aamma ilinniakkamik aallartitsisimangitsut. Pilersitsivik sannavimmi ilinniartitsinermik neqerooruteqarpoq, tassani inuttut ineriartorneq sulianik ingerlatsinermut aamma ilisimasassanik ilinniartitsinermut ilaatinneqarpoq.

Isumaqatigiissusiornermi pingaaruteqarnerpaat tassaapput:

- Pilersitsiviit kommunip ataani neqeroorutaassapput aamma Majoriaq qanimut suleqatigineqassaaq, pingaartumik aqutissiuussilluni ilitsersuinerni aamma karakterinik qaffassaalluni ilinniartitsinerni.
- Kommuneqarfik Sermersooq Kalaallit Nunaanni Namminersorlutik Oqartussanit 2 mio. kr.-nik pissarsissaaq, ilaatigut aqutsisumut ilinniartitsisunullu marlunnut matussutissanik
- Kommuneqarfik Sermersooq ininik ilinniartitsivissanik naleqquttunik piareersimasuuteqassaaq
- Ukioq ataaseq ingerlatsisoqareerpat Pilersitsivimmi ingerlatsinerit naliliiffigineqassapput

Taakkua saniatigut Naalackersuisut 1,2 mio. kr.-nik pikkorissartitsinernut aamma ilinniartitsisunut sammisassanut Pilersitsiviillu aqutsisoqarpata aamma taakkununga immikkoortitsipput.

Ingerlatsivimmit aningaasatigut sulisoqarnikkullu naliliinerit

2025-mi attartornermut isumaqatigiissut 840.000 kr.-nik akeqarpoq. Attartornermik isumaqatigiissut ukioq 2025 tamakkerlugu atorunnaarsinneqarsinnaangilaq, tamatumalu kingorna qaammatit pingasut sioqqullugit atorunnaarsinneqarsinnaavoq.

Isumaqatigiissutit missingersuutini killiliunneqartut iluaniitinneqassapput.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaatiillit

- Suliffissanut, ilitersuisarnermut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq

Ilanngussat

1. Inuussutissarsiorneq siunertaralugu attartornermik isumaqatigiissut v3 – Kommuneqarfik Sermersooq
2. Pilersitsivinni ingerlatsinerit pillugit Namminersorlutik Oqartussat aamma Kommuneqarfik Sermersuup akornanni isumaqatigiissut
3. Naalackersuisunut innersuussutit Nioqqutissiornermut assingusunik ingerlatsinissat pillugit
4. Inatsisitigut tunngavigineqartut
5. Pilersitsiviup Kommuneqarfik Sermersuumiinnera pillugu isumaqatigiissutip allakkiartaa

Punkt 10: Utoqqaat Illuanni oqilisaanneqarluni inissat paaqqutarinnilluni inissanut allangortiterineq

Beslutning

Inassuteqaat akuersissutigineqarpoq.

Utoqqaat Illuanni oqilisaanneqarluni inissat paaqqutarinnilluni inissanut allangortiterineq

Aalajangiiffigisassaq

SagsID.: EMN-2024-04444

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu

Ataatsimiititamut inassuteqaatigineqarpoq:

1. oqilisaanneqarluni inissat tallimaasut paaqqutarinnilluni inissanut allangortinneqarnissaat akuersissutigineqassasut

Suliassamik saqqummiussineq

Maannakkorpiaq Nuummi utoqqarnik paaqqutarinniffimmut utaqqisunut allattorsimaffimmi innuttaasut 14-it innersuunneqaqqapput. Innuttaasut takkua akornanni tallimat angerlarsimaffimmi ikiorteqartitaallutik angerlartinneqarnissamut periarfissaqarpasinnatik oqilisaanneqarluni inissanut ataavartussamik initaartinneqassapput. Tassa imaappoq oqilisaanneqarluni inissat utaqqiisaasumik paaqqutarineqarnissamut sungiusarnissamullu siunertamut naapertuutissanngillat, sungiusarnissamut oqilisaanneqarnissamullu pitsaassutsip sulianut allaaserineqarnerat innersuussutigalugu.

Suliffeqarnermut Isumaginninnermullu Ingerlatsivimmiit naliliineq naapertorlugu Utoqqaat Illuanni oqilisaanneqarnissamut inissat tallimat paaqqutarineqarnissamut inissanut allangortinneqassappata pitsaaqutitaqassasoq.

Innuttaasut ataavartuusumik oqilisaanneqarnermiittut utoqqarnut inunnullu innarluutilinnut naleqqussakkamik inigisatik inigiunnaassallugit nalunaarutigisinnaangilaat, aatsaat utoqqarnik paaqqutarinniffimmi inissamik tunisikkunik taamaalorsinnaapput. Allangortitsineq taamaalilluni utoqqarnik paaqqutarinniffimmut kiisalu utoqqarnut inunnullu innarluutilinnut naleqqussakkamik inigisaannut utaqqisunut allattorsimaffik piffissami sivikitsuinnarni annikillisinneqassaaq (maannakut Nuummi 58-it). Oqilisaanneqarluni inissanut utaqqisunut allattorsimaffik (maannakut tallimaasut) allangortitsinerup kingunerisaanik amerlissanngillat, tassami oqilisaanneqarluni inissat tallimaasut utoqqarnik paaqqutarinniffimmi inissatut atorineqarmata.

Utoqqarnik paaqqutarinniffimmi oqilisaanneqarlunilu inissat suli amigaatigineqartuarallassapput, utoqqaallu amerliartorneri ilutigalugit suli amerliartornissaat naatsorsuutigineqarluni. Taamaattumik siunissami taamatut ajornartorsuteqarneq Nuummi utoqqaat illuanik nutaamik pilersitsinikkut utoqqaat illuini inissaqassutsip annertusineqarnissaata tungaanut pisinnaavoq.

Suliffeqarnermut Isumaginninnermullu Ataatsimiititap aalajangerneq akuersissutigissappagu, Utoqqaat Illuanni utoqqarnik paaqqutarinniffimmi inissat 46-niit 51-inut amerlineqassapput, peqataanillu oqilisaanneqarluni inissat qulingiluanut ikilineqassallutik.

Ingerlatsivimmit aningaasatigut sulisoqarnikkullu naliliinerit

Oqilisaanneqarluni inissanik paaqqutarineqarluni inissanut allangortinneqarneri aningaasatigut sulisoqarnikkullu kinguneqarnaviangilaq.

Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Utoqqarnik suliaasaqarfimmi suliat pitsaassusissaannik allaaserisat 2025
- Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq

Ilanngussat

Ilanngussaqaanngilaq.

Punkt 11: Inuit innarluutillit pillugit immikkoortumut pilersaarutip killiffia (2024)

Beslutning

Inassuteqaatit akuersissutigineqarput.

Bilag

Inuit innarluutillit pillugit immikkoortumut pilersaarummi suliniutit killiffii 2024



Inuit innarluutillit pillugit immikkoortumut pilersaarutip killiffia (2024)

Aalajangiiffigisassaq

SagsID.: EMN-2024-03933

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. inuit innarluutillit pillugit immikkoortumut pilersaarutip killiffia tusaatissatut tiguneqassasoq
2. ataatsimiititamut suliniut 1) akuerineqassasoq, tassalu Open College Network oqaaseqatigiiliornera allanngortinneqassasoq ineriartornermut nalinginnaasumillu piginnaanngorsaanerup akuerineqarneranut tunngasunngorlugu
3. suliaq Aningaasaqarnermut Inuusutissarsiornermullu Ataatsimiititamut Kommunalbestyrelsimullu aalajangiiffigisassanngorlugu nassiunneqassasoq

Suliassamik saqqummiussineq

Inuit innarluutillit pillugit immikkoortumut pilersaarummi suliniuteqarfinni suliniutit sukumiisut nassuiaatigineqarneri ukiut tamaasa killiffissiorneqartarput. Inuit innarluutillit pillugit immikkoortumut pilersaarut pillugu ukiumoortumik ilisimatitsissuteqarnikkut ilaatigut inuit innarluutillit pillugit politikimi anguniakkat immikkut erseqqissaatigineqarsimasut anguniarneqarnerisa sulissutigineqarnerat qulakkeerneqartarpoq.

Inuit innarluutillit pillugit immikkoortumut pilersaarut 2016-imi naammassineqarpoq inuillu innarluutillit pillugit suliassaqarfimmi suliniutinut tamanut tunaartalersuilluni. Pilersaarummi politikikkut angusaqarluarususeqarfiit qanoq piviusunngortinneqartartut suliniuteqarnikkullu atuutilersinneqartartut nassuiaatigineqarput. Taamaalluni immikkoortumut pilersaarut kommunimi inuit innarluutillit pillugit suliassaqarfimmi, iliuusissanut nutaanut ataavartumik tulluarsagassanik pilersarusiornermut aqutsinermullu atugassiaavoq.

Inuit innarluutillit pillugit politikki nutaaq piffissami 2024 - 2028-mi atuuttusaaq kommunalbestyrelsimit 2024-mi akuerineqarpoq. Inuit innarluutillit tapersorsorneqarnissaannut Inatsisartut inatsisaanni nr. 13, 12. juni 2019-imeersoq naapertorlugu inuit innarluutillit pillugit politikki ukiut sisamakkaarlugit nutarterneqartassaaq.

Tassunga uiggiullugu immikkoortumut pilersaarut nutaaq suliarineqassaaq. Immikkoortumut pilersaarutip suliarineqarnera suliniutaavoq annertoq aamma allaffissornikkut suliaqartussat utaqqineqarput.

Suliffeqarnermut Isumaginninnermullu Ingerlatsivimmit ingerlatsiviit allat suleqatigalugit killiffimmik nalunaarsuineq ataqatigiissarlugulu suliarineqarpoq.

Inuit innarluutillit pillugit immikkoortumut pilersaarummi suliniuteqarfiit qulit iluini sukumiisumik suliniutit killiffissiorneqarneri ilanngussaaq 1-imi takuneqarsinnaapput. Killiffimmi suliniutit ataasiakkaat agguataarneqarput ukunani ingerlatsineq aamma ineriartortitsineq. Tulliani killiffimmik nalunaarusiornermi suliniutit killiffissiornerini taamaallaat una pineqassaaq ineriartortitsineq.

Tulliuttumi 2024-mi suliniutit immikkut toqqakkat eqikkarneqarput.

Innuttaasunut innarluutilinnut sammisassaqartitsineq



- Utoqqarnik suliassa qarfirmmit sammisartakkat aalajangersimasut peqatigiinnissamullu neqeroorutit ukkatarineqarput, soorlu suliffeqarfinni qanigisaasunut unnussiuuaqatigiinnerit aamma Nuummi innuttaasunut puiguttorneq pillugu qaammammut ataasiarluni saqqummiussisoqartarneq. Aammattaaq namminneq kajumissutsiminnik suliaqartut suliniuteqareerput, Arctic Elder Games, angallammik angalaarnerit, katersugaasivimmut pulaarnerit, ataatsimoorluni nereqatigiinnerit illoqarfimmilu allanik sammisaqartitsinerit. Inunnut innarluutilinnut tarnimikkullu nappaatilinnut Immikkoortorta q inooqataanikkut arlalinnik aaqqissuusaqarpoq innuttaasunillu ataatsimiisitsilluni. SPS (Perorsaanermik Ilinniarfik) suleqatigalugu ataasiarlugu suliarineqarpoq.
- Inunnut innarluutilinnut tarnimikkullu nappaatilinnut Immikkoortorta q immikkoortortami immikkoortuni assigiinngitsuni OCN (Open College Network)-imik ingerlatsilluni naammassinnippoq, taamaattorli soqutigineqarnera naatsorsuutigisamiit annikinnerulluni. Ingerlatat innarluutilit sapaatip akunnerat ammaanersiorneqarmat uppersaatinik tunniussinermi naammassineqarput. OCN-i 2024-mi kommune akimorlugu annikinnerusumik ukkatarineqarpoq.
- Kammagiinni igaffimmi inuussutissarsiuteqarnikkut atortut pilersinneqarsinnaaniassallugit suliffeqartitsinermi illersukkamik pilersitsinissaq siunertaralugu aamma innuttaasut piginnaasakillimasut inuttut suliatigullu piginnaasaannik ineriartortitsinissaminnut periarfissinniarlugit piginnaanngorsarnermut qitiusoqarfimmik pilersitsinissaq siunertaralugu missingersuutitut kissaatigineqarput.

Tikikkuminassutsit Atugarissaarnermilu teknologi

- Innuttaasut Utoqqarnut, Inunnut innarluutilinnut Tarnimikkullu nappaatilinnut immikkoortortamut innersuunneqarsimasut DigiRehab-i atorlugu angerlarsimaffimmi sungiusaatit digitaliusut atugassaat pissarsiarineqarput, aamma sulisunut matuminnga suliaqartussanut workshopertitsisoqarpoq. Taakku aallartinneqarnissaannut suliassat utaqqineqarput.
Kommunimi utoqqarnut tarnikkut nappaatilinnut inissat pisariaqartinneqartut amerliartuinnarput. Nuummi puiguttortut angerlarsimaffiannik sanaartorsinnaanermut misissueqqaarneq suliarineqarpoq. Sulili suliniut sanaartornermut missingersuutini politikikkut pingaarnersiorneqanngilaq.

Suliffimmi avatangisut aamma sulisunik ineriartortitsineq

- 2024-mi inuit innarluutilit pillugit suliassa qarfirmi sullissinerup qaffanneqarnissaa pingaartinneqarpoq. Tamanna 2025-mi ingerlanneqaqqissaaq. Immikkoortortap sulisut suliaannut tulluurtunik ineriartortitsinerinik ingerlatsisoqarnernik sivitsuinikkut innuttaasunut killiffinnik ineriartortitsinermillu ingerlatsinerinik atukkat ukkatarinikuuai.
- Meeqqanut inersimasunullu innarluutilinnut suliassa qarfiinut sullissineq ingerlatsiviup ataanut 01.11.2024-mi katiterneqarput.
- Innarluutilinnut tarnikkut nappaatilinnullu immikkoortortami nakorsaatinik passussineq, aaqqiagiinnginnermi nalerisaanermik suliaqarneq, peqqissinissamik pingaartitsilluni sulineq, kinguaassiuutitut tunngasut kiisalu pisorta qatigiinnut, aqutsisut tullersortillu peqataaffigisaannik immikkut sammisaqartitsinerit pillugit pikkorissartoqarpoq. Tamatuma saniatigut immikkoortorta q ADHD, autisme, skizofreni, atornerluineq kiisalu aqutsinermut tunngavissaq aamma tarnikkut toqqissisimaneq kiisalu peqqarniissutsimut tunngasunik aqutsisunik pikkorissaaneq pillugu pikkorissarnissamut neqerooruteqarpoq. Aammattaaq kinguaassiuutit atoqatigiinnerlu pillugit politikki ineriartortinniarlugu suliarineqarpoq.
- Meeqqanut Atuarfeqarnermullu Ingerlatsivik inuussutissalerinerinik klassimik atuartunut inuusuttunut ilinniarfimmik naammassiinissamut periarfissiinnaasumik pilersitsinissamut misissueqqaarnermik ingerlatsivoq.
- Meeqqanut Atuarfeqarnermullu Ingerlatsivik atuartunut aamma inuusuttunullu annertusisamik immikkut perorsaanermik suliniuteqarfigineqarnissamik pisariaqartitsisunut ulloq naallugu atuarfimmik ineriartortitsilluni suliaqaleruttorpoq.



- Meeqqanut piginnaasakillimasunut ikorfartortit Meeqqanut Atuarfeqarnermut Ingerlatsiviup ataanut ataatsimoortinneqarput, atuarfinni ulluuneranilu paaqqinnittarfinni ikorfartorteqarnissamut atuutilersilluarneqarnissaat qulakkeerniarlugu.
- Innarluutilinnut tarnikkut nappaatilinnullu immikkoortortamit Kammagiinni igaffimmi inuussutissarsiteqarnikkut atortut pilersinneqarnissaat qulakkeerniarlugu suliffeqartitsinermi illersukkamik pilersitsinissaq siunertarlugu missingersuutitut kissaatigineqarput. Taakkua saniatigut aamma innuttaasunut piginnaasakillimasunut inissaqartitsinnaajumalluni piginnaanngorsarnermut qitiusoqarfimmik ammaassisinnaanissamut missingersuutit ilaneqarnissaannut qinnuteqartoqarpoq.

Immikkoortumut pilersaarutip killiffianut atatillugu allassimavoq, atuarfeqarnerup aamma suliffeqarnermut suliassaqrarfiup kiisalu inuit innarluutillit pillugit suliassaqrarfiup Open College Network periutsip ingerlatsinniarnera ilungersunartikkaat.

Tamanna tunngavigalugu ingerlatsivimmit siunnersuutigineqarpoq, immikkoortumut pilersaarutip OCN pillugu suliniutaa piginnaasareneqareersunik ineriartortitsinermit akuersaartuunermullu suliniummut tunngasunngortillugu allangortinneqassasoq, suliniut periaatsimut aalajangersimasumut atatinneqanngikkaluarluni imaluunniit suliffeqarfimmut aalajangersimasumut. Perorsaanilerinermit ilanngullugu innuttaasunut piginnaanngorsarsimanermit uppersaatinik tunisarneq ingerlanneqaannassaaq, aammattaaq innuttaasut suliffeqarfinniittut nalliuttorsuutigineqassapput.

Inuit innarluutillit pillugit suliassaqrarfik 2024-mi siunissamilu

Inuit innarluutillit pillugit immikkoortumut pilersaarutip killiffia ataatsimiititamut tulliani (2025)-mi saqqummiunneqassaaq.

Kommunalbestyrelsimi 29. novembari 2022-mi aalajangiunneqartoq innersuussutigalugu inuit innarluutillit pillugit suliassaqrarfimmi immikkoortortaqarfik ataqatigiissaarisooq 2023-mi Suliffeqarnermut Isumaginninnermullu Ingerlatsivimmit pilersinneqarpoq. Innarluutilinnut immikkoortortap ataqatigiissaarisup ilimagisamit soqutigineqarnissaa/atorneqarnissaa suli angunngilaa. Kommunalbestyrelsimi ukiup ingerlanerani Innarluutilinnut Immikkoortortaq Ataqatigiissaarisooq immikkoortillugu nalilersorneqarnera tiguneqassaaq.

Ingerlatsivimmit aningaasatigut sulisoqarnikkullu naliliinerit

Inuit innarluutillit pillugit immikkoortumut pilersaarutip killiffia pillugu ilisimatitsissut aningaasatigut sulisoqarnikkullu kinguneqassanngitsoq ingerlatsivimmit nalilerneqarpoq.

Missingersuusionermit Naatsorsuusionermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatiillit

- o Inuit innarluutillit pillugit politikki
- o Inuit innarluutillit pillugit Immikkoortumut Pilersaarut

Ilanngussat

1. Inuit innarluutillit pillugit immikkoortumut pilersaarummi suliniutit killiffii 2024

Punkt 12: Utoqqaat angerlarsimaffiminni najugaqartunut atortussianik oqilisaataasunik (velfærdteknologinik) qinnuteqarfigisinnaasaanik aningaasaateqarfik pilersitsinissamut siunnersuut

Beslutning

Siunnersuut itigartissutigineqarpoq.

Bilag

Siunnersuummut oqaaseqaat

Utoqqaat angerlarsimaffimmini najugaqartunut atortussianik oqilisaataasunik (velfærdteknologinik) qinnuteqarfigisinnaasaanik aningaasaateqarfik pilersitsinissamut siunnersuut

Kommunalbestyrelsimi ilaasortap Dorthe-Marie Mogensen-Fontainip (S) Suliffeqarnermut Isumaginninnermullu Ataatsimiititamut siunnersuutaa

Aalajangiiffigisassaq
SagsID.: EMN-2025-00017

Inassuteqaat

Kommunalbestyrelsimi ilaasortap Dorthe-Marie Mogensen-Fontainip (S) Aningaasaqarnermut Inuussutissarsiornermullu Ataatsimiititamut siunnersuutaa

1. siunnersuut Suliffeqarnermut Isumaginninnermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliassamik saqqummiussineq

Kommunalbestyrelsimi ilaasortap Dorthe-Marie Mogensen-Fontainip (S) 11.01.2025-mi aalajangiiffigisassatut siunnersuummik Suliffeqarnermut Isumaginninnermullu Ataatsimiititamut nassiussa qarpoq. Dorthe-Marie Mogensen-Fontainip kissaatigaa utoqqaat angerlarsimaffimmini najugaqartunut atortussianik oqilisaataasunik (velfærdteknologinik) qinnuteqarfigisinnaasaanik aningaasaateqarfik pilersitsinissamut suliassamik aallartitsinissamut periarfissaq ataatsimiititami oqaluuserineqassasoq.

Tunngavilersuut:

"Utoqqaat angerlarsimaffimmini najugaqartunut angerlarsimaffimmini najugaqaannarnissaannut siunnerfeqarneq aallaavigalugu atortunik annikinnerusunik oqilisaataasinnaasunik aningaasaateqarfimmik pilersitsinissamut suliassamik aallartitsinissamut siunnersuuteqarpunga. Uani utoqqaat angerlarsimaffimmini oqilisaataasinnaasut soorlu robotstøvsugerit, elevationssenge, alersilersuutit, anartarfinnut aaqqiissutit, aputaajaanermut tunngasut, assigisaalu peqqinnissaannut aammalu pisinnaasaannut killeqalersimasunut iluaqutaasussanik aningaasaateqarfimmik pilersitsinissamut suliassartaanik tassa sinaakkutissaanik suliassamik aallartitsisoqarnissaanut misissuisoqassasoq. Kingornalu aningaasaateqarfimmik pilersitsinissamut suliassamik aallartitsisoqarnissaanik suliassartoqassasoq. Utoqqalinersiaqartunut angerlarsimaffimmi najugaqartunut pitsaasumik aammalu oqilisaataasussanik qinnuteqarfigineqarsinnaasumik pilersitsinissaq siunertaassaaq. Utoqqalinersiaqarnermi pitsanngorsaataasut taamaattut angujuminaassinnaasarpur, taamaattumillu utoqqalinersiaqartut aningaasatigut imminnut artukkinnginnissaat anguniarlugu qinnuteqarfigineqarsinnaasumik tamanut ammasumik pilersitsinissaq pisariaqarsoraara. Tamannalu aaqquissuullu arnatigut pilersinneqarsinnaalluni."

Siunnersuut qanoq aningaasaliiffigineqassava?

"Aningaasanik ujartuisoqassaaq immikkoortitsillunilu aningaasaateqarfimmik pilersitsinissamut."

Inatsisitigut tunngavissaq allakkallu tunngaviusumik uppernarsaatillit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq:
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piimasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:

Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpas, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq.

Ilangussat
Soqanngilaq.

Punkt 13: Majoriaq angusaqarnissamut isumaqatigiissut 2025-27

Beslutning

Inassuteqaat akuersissutigineqarpoq.

Bilag

Majoriamik ingerlatsineq pillugu angusassat pillugit isumaqatigiissut 2025 - 2027

Majoriaq pillugu ingerlatsinermut tapiissutit pillugit isumaqatigiissut 2025

Allagaqaat ilanngussaq – Allakkat ilanngussat

2025-mut ingerlatsinermut tapiissutit naatsorsornerisa assilinerat



Majoriaq angusaqarnissamut isumaqatigiissut 2025-27

Aalajangiiffigisassaq

SagsID.: EMN-2025-00079

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. Majoriaq angusaqarnissamut isumaqatigiissut 2025-2027 aamma 2025-mut ingerlatsinermit tapiissutit pillugit isumaqatigiissut akuersissutigineqassasut
2. suliaq Aningaasaqarnermut Inuussutissarsiornermullu Ataatsimiititamut aalajangiiffigisassatut, kiisalu Kommunalbestyrelsimut ilisimatitsissutit ingerlateqqinneqassasoq

Suliassamik saqqummiussineq

2024-mi decembarip naalernerani Majoriamik ingerlatsineq pillugu angusaqarnissamut isumaqatigiissummut siunnersuut aamma Majoriamut ingerlatsinermit tapiissutit pillugit isumaqatigiissut tiguneqarput, Aningaasaqarnermut Inuussutissarsiornermullu Ataatsimiititamut akuersissutigineqarnissaannut innersuussutigalugittaaq piginnaatitsinermit agguataarinermit pilersaarut. Isumaqatigiissutit kommunip Namminersorlutik Oqartussallu suleqatigiinnerannut tunngaviliisuupput, illuatungeriinnullu aqutsinermit atortorissaarutit atorneqarlutik.

Angusassat pillugit isumaqatigiissut aamma ingerlatsinermit tapiissutit pillugit isumaqatigiissut kommunip Namminersorlutik Oqartussanut suliassaanik anguniagassaanillu aalajangersaasuupput pisussaaffillit. Tassunga atatillugu Namminersorlutik Oqartussat kommunimut ukiumoortumik ingerlatsinermit tapiissuteqartarput.

Ukiunut siusinnerusunut sanilliullugu isumaqatigiissutini taasariaqartunik allannguuteqartoqarpoq. Pingaarnertut allannguutit ukuupput:

- Aaqqissuussaaneq allanngorpoq. Majoriami suliassat amerlanerit allanngussangillat, kisianni immikkoortunut pingaarnertut sisamanut aaqqissuunneqarput: suliffeqarneq, aqutissiuussineq, piginnaangorsarneq aamma iliuusissatut pilersaarutit
- Ukiumi tulliuuttumit Majoriami inuussutissarsiornermit tunngasuni ilinniartunik aqutissiuussisoqartarunnaassaaq. Suliaq taanna Danmarkimi kalaallit illuinut aamma inuussutissarsiornermi ilinniartinnut nuunneqassaaq.
- Suliffeerunnermi ikiorsiissutit pillugit inatsisartut inatsisaat atorunnaassaaq aamma Suliffissarsiortunut ikiorsiissutit pillugit Inatsisartut Inatsisaannit taarserneqassalluni Tamanna suliffissarsiortunut suliniutinut allannguinermit kinguneqassaaq.
- Majoriamut tapiissutinut naatsorsuinermit tunngavigineqartoq allanngussaaq, taamaalilluni aqutissiuussinermut tapiissutit siunissami kommunimi inuusuttut amerlassusaannik tunngaveqassammata inuussutissarsiornermi ilinniartut amerlassusaannut taarsiullugu. Taassuma saniatigut Majoriami centerlederit isumaqatigiissutit atuuttut naapertorlugit tapiissutit naatsorsorneqarneri nutarterneqassapput.

Naalakkersuisut noqqaassutigaa, kommunit aamma Namminersorlutik Oqartussat paasissutissanik paarlaasseqatigiinneq pillugu isumaqatigiisummik atsiussasut. Paasissutissanik paarlaasseqatigiinneq pillugu isumaqatigiissut Majoriami ilaatigut ujartuilluni ilitsersuineranut atatillugu suliaqarnissamut pingaarutilik.

Ingerlatsivimmit aningaasatigut sulisoqarnikkullu naliliinerit

Aqutissiuussineranut tapiissutinut naatsorsuinermit tunngaviup allanngornera tunngavigalugu minnerpaamik aningaasatigut allannguisoqarnissaa pillugu ingerlatsivimmit naliliisoqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatiit

- Inatsisartut inatsisaat nr. 28 ulloq 9. december 2015 suliffissanut, ilitsersuisarnernut pikkorissaqqinnernullu qitiusumik ingerlatsiviit pillugit.

Ilanngussat

1. Majoriamik ingerlatsineq pillugu angusassat pillugit isumaqatigiissut 2025 - 2027
2. Majoriaq pillugu ingerlatsineranut tapiissutit pillugit isumaqatigiissut 2025
3. Allagaqaat ilanngussa – Allakkat ilanngussat
4. 2025-mut ingerlatsineranut tapiissutit naatsorsornerisa assilinerat

Punkt 14: 2025 - 2029-mi Suliffeqarneq pillugu immikkoortumut pilersaarutip akuersissutigineqarnera

Beslutning

Inassuteqaat akuersissutigineqarpoq.

Bilag

Suliffeqarnermut immikkoortumut pilersaarut 2025 - 2029

Suliniutit ataasiakkaat killiffii

Suliffeqarneq pillugu immikkoortumut pilersaarut 2025 - 2029-mut tunuliaqutitut nalunaarusiaq

Tamanut tusarniaanermi malitseqartitsineq

Tusarniaassummut akissuteqaatit ataatsimoortitat

2025 - 2029-mi Suliffeqarneq pillugu immikkoortumut pilersaaruttip akuersissutigineqarnera

Aalajangiiffigisassaq

SagsID.: EMN-2023-01732

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Suliffeqarnermut Isumaginninnermullu Ataatsimiititamut inassuteqaatigineqarpoq:

1. suliffeqarneq pillugu immikkoortumut pilersaarut akuersissutigineqassasoq
2. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliassamik saqqummiussineq

Ulloq 4. oktobari 2022-mi Kommuneqarfik Sermersuup suliffeqarneq pillugu politikki 2023-miit 2033-mut atuuttussaq siulleq Kommunalbestyrelsimut akuersissutigineqarpoq. Tamatuma kingorna ataatsimiititap pingaarnersuina tunngavigalugu suliffeqarneq pillugu immikkoortumut pilersaarut suliamut attuumassuteqartoq Suliffeqarnermut Isumaginninnermullu Ingerlatsivimmi suliarineqarpoq. Immikkoortumut pilersaarut naapertorlugu suliffeqarneq pillugu politikkimi tunngaviit anguniakkallu piviusunngortinnissaannut periusissiaqartinneqarlunilu suliniuteqartinneqarpoq. Immikkoortumut pilersaarut naapertorlugu kommunip suliffeqarneq pillugu suliassaqarfimmi sulinerani erseqqissuunissaq ataqatigiissuunissarlu qulakkeerneqassapput.

Suliffeqarneq pillugu immikkoortumut pilersaarut suliniutinik qulinik ukuninga imaqarpoq:

1. Piffissami sivisuumi suliffeqanngitsunut siunnerfeqarluni suliniuteqarneq
2. Piffissap ilaannaani suliffiit amerlanerit
3. Majoriami sulisut ilinniagaqarnerat
4. Modulikkaartumik atuartsineq
5. Paamiuni Pilersitsivik
6. Suliffimmik misiliinermut ilinniartuunissamullu periarfissaqarneq
7. Inuussutissarsiutitut periarfissanik nutaanik tapersersuineq
8. Avataanit suliarortut pillugit sulisunik siunnersuineq
9. Majoriap aamma meeqqat atuariata suleqatigiinnerat
10. Inuusuttut suliffeqannginnerannut atasumik orniguttarluni siunnersuineq

Suliffeqarneq pillugu immikkoortumut pilersaarut 2025 - 2029-kkut ingerlatsivimmit Kommuneqarfik Sermersuumi siunissami suliffissaqartitsinermik ineriartortitsinermut ilisimasanut tunngaviusussamik pilersitsinissamut kissaatigineqarpoq aamma kommunimit sulisussatut piareersimatitaqarnissamut pilersaarusiornermik ataqatigiissaarinnissap qulakkeerutiginissaa. Taamaalillugu suliffeqarnermut immikkoortumut pilersaarut suliniutinik assigiinngitsunik arlalinnik imaqarpoq, taakku Kommuneqarfik Sermersuumi suliffeqarnermut politikki anguniakkanik eqquutsitsiniarfiusunik imaqarput. Tamatumunnga tunuliaqutaasumik nalunaarusiortoqarpoq tassanilu suliffeqarneq pillugu suliassaqarfimmut paasisutissat pingaarnert katersorneqarput suliniutinullu paasisaqarnissamut tunngaviliisuullutik.

Suliarineranut suliap ingerlannera

Suliffeqarnermut Isumaginninnermullu Ingerlatsivimmit 2023-mi upernaami suliaqarneq aallartinneqarpoq. Suliap ingerlanerani ilanngullugu Suliffeqarnermut Isumaginninnermullu



Ataatsimiititaq Kommunalbestyrelsilu peqatigalugit immikkut sammisaqarput kiisalu Tasiilami, Paamiuni aamma Nuummi innuttaasunik ataatsimiisitsisoqarluni. Tamatuma itisilerlugu allaaserineqarnera atuarniarukku ilanngussaq 3 takuuk.

Suliffeqarnermut Isumaginninnermullu Ataatsimiititami 29. oktobari 2024-mi aalajangiunneqartoq innersuussutigalugu, suliffeqarneq pillugu immikkoortumut pilersaarut suliffiup iluani tamanullu ammasumik 30. oktobari 2024-mi tusarniaassutigineqarpoq. Tusarniaassummut akissutit katillugit arfineq-pingasut (ilanngussaq 5), kingorna suliarineqartut aamma suliffeqarneq pillugu immikkoortumut pilersaarummut ilanngussanullu attuumassuteqartunut (ilanngussaq 4) ilanngunneqartut ingerlatsivimmiit tiguneqarput.

Ingerlariaqqinnissaq

Suliffeqarneq pillugu immikkoortumut pilersaarut akuersissutigineqassappat, kommunimi immikkoortortaqarfiit suliniutinut akisussaasut, suliniutitut allaaserisat atuutilersinneqarnissaannut ingerlariaqqissapput. Suliffeqarneq aamma Inunnik Isumaginninnermik sullissivik aallarniuteqarfiusumik kick-offimik taallugu Majoriarmiunut tamanut workshoppertitsissapput, tassanilu suliniutit atuutilersinneqarnissaannut pingaarnersiukkat siunnerfiusorlu aalajangersarneqassapput.

Suliffeqarneq pillugu immikkoortumut pilersaarut ukiut tallimat qaangiuppata nutarterneqassaaq. Tamanna kommunimi suliffeqarneq pillugu suliassa qarfiup ataavartumik ineriartortinneqarneranut tapertaassaaq immikkoortumullu pilersaarummi atuuffik aqutsisut sakkussaattut atuuttut ersersitsilluni, ilaatigut misilittakkat atuutilersitsinermilu suliap ingerlanneraniit utertitsiffiginninnerit tunngavigalugit suliniutit naleqqussarneqarsinnaallutik.

Suliffeqarneq pillugu immikkoortumut pilersaarutip killiffia qinikkanut ukiumut ataasiarluni nalunaarusiorfigineqartassaaq - siullerpaamik 2026-mi.

Ingerlatsivimmit aningaasatigut sulisoqarnikkullu naliliinerit

Suliamik saqqummiussinermi matumani taamaallaat pineqarpoq suliffeqarneq pillugu immikkoortumut pilersaarummut nutaamut najoqqutassatut allaaserisap akuersissutigineqarnissaa. Najoqqutassatut allaaserisaaq akuersissutigineqassappat, kingusinnerusukkat missingersuutit suliarineqarnerinut atatillugu immikkoortumut pilersaarummi suliniutinut missingersuutissatut siunnersuutit kommunalbestyrelsip akimorlugu pingaarnersiuneranut ilaasussat sukumiisumik suliarineqassapput.

Suliniutinut tamanut immikkut aningaasaqarnikkut sulisoqarnikkullu qanoq kinguneqarfiussanersut ilanngussaq 2-mi takuneqarsinnaapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Missingersuutinut Naatsorsuutinullu Immikkoortortamut ilisimatitsissutit nassiunneqassaaq

Inatsisitigut tunngavissaq allakkallu tunngaviusumik uppernarsaatillit

- Suliffeqarnermut politikki 2023-2033

Ilanngussat

1. Suliffeqarnermut immikkoortumut pilersaarut 2025 - 2029
2. Suliniutit ataasiakkaat killiffii
3. Suliffeqarneq pillugu immikkoortumut pilersaarut 2025 - 2029-mut tunuliaqutitut nalunaarusiaq
4. Tamanut tusarniaanermi malitseqartitsineq
5. Tusarniaassummut akissuteqaatit ataatsimoortitat

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 13:25